

Manaweg / Manx

Chaghteraght dy hee as aigney mie voish sleih aegey Vretin dys sleih aegey feiy ny cruinney.

Grig-grog. Grig-grog. Cha nel monney traa er mayrn as ta traa-reaghee orrin. Ta caghlaa-emshiraght ny chront mooar as shegin dooin jannoo red ennagh nish.

My nee reddyn goll er myr t'ad, cha bee yn Arctagh ayn arragh sy chummey t'eh jiu ayns tree bleeaney. Shen yn irriney.

My irreeys tempreilys y theihll liorish 4°K, s'liklee dy jean y faasagh Sahara sheeyney my hwoaie choud's y Rank. Shen yn irriney.

Er mean ta dagh peiagh ayns Bretin croo 11 thunnaghyn meadragh dy ghaa-ocseed charboan dagh blein. Shen yn irriney.

Er mean ta dagh peiagh sy Cheinney croo 0.2 thunnaghyn meadragh dy ghaa-ocseed charboan dagh blein. Shen yn irriney.

Cha nod oo gra nagh row fys ayd dy row shin jannoo ymmyd jeh rouyr conney. Dy vel shin lhomey yn theihll jeh'n stoo meainagh echey. Dy vel shin jummal as ceau ersooyl rouyr reddyn. Dy vel shin marroo yn plannad.

Va'n chaghteraght cheddin ain nurree as y vlein roish shen, agh cha n'uirree traa er peiagh erbee. Ta shin cur cuirrey da sleih aegey feiy ny cruinney dy heet stiagh marins, sleih aegey Vretin, dy hassoo noi'n stroie as dy yannoo ny stroshey yn coraa ain. Lhig dooin jannoo caghlaa-emshiraght ny chooish son jantys nish. Ta shin geamagh erriu dy reih yn cassan kiart ec ny kiare-raaidyn. Cha nel eh feeu jeeaghyn er ash er ny t'er n'gholl shaghey. Ta'n laa t'ayn jiu ny chaa noa as s'mooar ny reddyn ry chooilleeney mairagh.

Grig-grog. Grig-grog. Vod oo clashtyn grigyraght y chlag?

Crooit ec Forum Sleih Aegey Ceredigion